



## Headlines

- जम्मू जिले दे अखनूर इलाके च होए दे शिड़क हादसे च 20 लोकें दी मौत ते 15 जनें जख्मीं होई गए ना। राष्ट्रपति द्रोपदी मुर्मू ते लेफ्टिनेंट गवर्नर मनोज सिन्हा होरें हादसे च मनुक्खी जानें दे नुकसान पर दुख ते बसोस जताया ऐ।
- लोकसभा चुनाएं दे 7में ते अखीरले गेड़ दे चुनां लेई प्रचार अज्ज मुक्की गेआ ऐ।
- जम्मू-कश्मीर च लोकसभा चुनाएं दरान पेदे वोटें दी गिनतरी लेई तैयारियां जारी ना।
- जम्मू च 44 इशारिया 8 डिग्री सैल्यिस दे कन्नै इस रूत दा सब्बनें शा गर्म ध्याड़ा दर्ज कीता गेआ।



## Accident

जम्मू जिले दे अखनूर दे डूंगी मोड़ टांडा इलाके च अज्ज श्रद्धालुएं गी लेइयै जा' रदी इक बस शिड़कै थवां रूलकियै हेठ इक डूंहगी खड्डे च जाई पेई जिस करी घट्टोघट्ट 20 लोकें दी मौत होई गेई ते 15 होर लोक जख्मीं बी होई गए ना। अधिकारिएं मुजब, उत्तर प्रदेश नम्बरै आली एहू बस यू.पी86ई.सी-4078 जम्मू थमां रियासी जिले च श्री शिवखोड़ी तीर्थ स्थान लेई जा करदी ही जिसलै एहू

हादसे दा शिकार होई गई। एह्दे च कुरूक्षेत्र हरियाणा दे जात्तरी सोआर हे। अधिकारिएं मुजब जख्मिएं गी तुरत हादसे आली थाहरै थवां अखनूर आले उपजिला अस्पताल पुजाया गेआ ते मते गंभीर तौरा पर जख्मीं होए दे लोकें गी माहिराना इलाज लेई जम्मू दे सरकारी मेडिकल कॉलेज अस्पताल रैफर कीता गेआ जिसलै के किश जख्मिएं दा इलाज चौकी चौरा अस्पताल ते अखनूर उप-जिला अस्पतालै च कीता जा रदा ऐ। हादसे च मारे गेदे ते जख्मीं होए दे लोकें दी पंछान कीती जा रदी ऐ।

<><><><><><><>

### LG-Accident

उपराज्यपाल मनोज सिन्हा होरें अखनूर च होए दे बस हादसे ते ओदे च मनुक्खी जानें दी कीमती नुकसान पर दुख ते बसोस जाहिर कीता ऐ। अपने सोगी सनेहू च उपराज्यपाल होरें सौगी परौआरें कन्नै हमदर्दी जाहिर कीती ते परमात्मा थवां इस दुख गी झल्लने दी शक्ति देने दी बी प्रार्थना कीती। उनें घायलें दे तौले नरोए होने दी कामना कीती। उनें आखेआ जे प्रशासन प्रभावित परौआरें गी हर संभव सहायता उपलब्ध करवा रदा ऐ।

<><><><><><><>

### 7<sup>Th</sup> Phase

लोकसभा चुनाएं दे 7में ते अखीलरे गेड़ लेई चुनां प्रचार अज्ज संज्ञा मुक्की गेआ। पैहली जून गी इस गेड़ लेई वोट पाए जाङ्गन। इस दौरान 904 मेदवारें दे सियासी भागें दा फैसला होग जिंदे च भारतीय जनता पार्टी दे वरिष्ठ नेता ते प्रधानमंत्री नरेंद्र मोदी होर बी शामिल ना। 7में गेड़ च 8 राज्यें ते केंद्र शासित प्रदेश दी 57 संसदीय सीटें पर मतदान होग। इस गेड़ च पंजाब ते उत्तर प्रदेश

दी 13-13, पच्छिम बंगाल दी 9, बिहार दी 8, ओडिशा दी 6, हिमाचल प्रदेश दी 4, झारखंड दी 3 ते चंडीगढ़ दी इक सीट पर वोट पाए जाडन। बक्ख-बक्ख सियासी पार्टिएं दे नेता मतदाताएं गी अपनी पार्टीं दे मेदवार दे पक्ख च करने लेई पूरी कोशिश करा रदे न। प्रधानमंत्री नरेंद्र मोदी होरें पंजाब दे होशियारपुर चुनावी रैली गी संबोधित कीता। उनें कांग्रेस ते आई.एन.डी.आई गठध्ांन पर तुष्टिकरण ते वोट बैंक दी राजनीति करने दा दोष लाया। मोदी होरें आखेआ जे वोट बैंक दी खातिर कांग्रेस नै म्हेशा राम मंदर दे निर्माण ते सी.ए.ए दा विरोध कीता। तोआई कांग्रेस दे वरिष्ठ नेता राहुल गांधी होरें ओडिशा च इक चुनावी रैली गी संबोधित कीता। राहुल गांधी होरें बीजेपी पर त्रिक्खा हमला करदे होई आखेआ जे भाजपा नै ओडिशा दे लोकें दा अपमान कीता ऐ, उनें आखेआ जे बीजेपी दे नेता नै हाल च आखेआ हा जे भगवान जगननाथ मोदी भक्त न। उनें जवानें गी अग्निवीर स्कीम तैहत मजदूर बनाने दा बी दोष लाया।

<><><><><><>

### Voting-Count

जम्मू-कश्मीर दी 5 संसदीय सीटें लेई मतदान सम्पन्न होने दे कन्नै गै वोटें दी गिनतरी आले कम्में लेई त्यारियां जोरें-शोरें कन्नै जारी न। वोटें दी गिनतरी आला कम्म 4 जून गी बडुलै 8 बजे थवां शुरू होगा। अधिकारी मुजब जम्मू पार्लियामानी सीट ते उधमपुर कठुआ सीट लेई आजमाई आला कम्म बिलतरतीव एमएएम कॉलेज जम्मू ते पालिटेक्निक बिक्रम चौक ते जीडीसी कठुआ च होगा। श्रीनगर संसदीय हल्के लेई SKICC श्रीनगर बारामुला सीट लेई गिनतरी आला कम्म डिग्री कॉलेज बारामुला च होगा। अनन्तनाग-राजौरी सीट लेई मतगणना डिग्री कॉलेज अनंतनाग च होगा। ट्रायल रन च तकरीबन

400 कर्मीं लागे गए ना वोटें दी गिनतरी आले कम्मे आस्तै 2200 कर्मीं गी सिखलाई दिती गई ऐ।

<><><><><><>

## CS-New Criminal Law

मुख सचिव अटल डुल्लु होरें संसद आस्सेआ हाल च पास कीते गेदे3 नमें अपराधिक कनूनें दी जम्मू-कश्मीर च अमल आवरी लेई कीती जा रदी तैयारिएं दा आंकलन करने लेई अज्ज गृह, पुलस ते कनून मैहकमें दे सीनियर ऐहलकारें दी इक उच्ची सतह दी बैठक दी प्रधानता कीती। मुख सचिव होरें मुतलका अमले दी समर्थन निर्माण ते अजें तोहड़ी दी सिखलाई बारै जानकारी हासिल कीती। डुल्लु होरें इनें त्रोंनें कनूनें दी असरदार अमल आवरी लेई सब्बनें सरबंधत धड़ें दे सांझे जत्तें दी जरूरते पर जोर पाया।

<><><><><><>

## Engine-Derailed

संपर्क क्रांति एक्सप्रेस रेल गड्डी दा इंजन अज्ज जम्मू रेलवे स्टेशन पर पटरी शा हेठ उतरी गेआ। एह रेल गड्डी नमीं दिल्ली थमां जम्मू रेलवे स्टेशन पुज्जी ही जिसलै एहदा इक पहिया पटरी थमां उतरी गेआ ते रेल गी किश चिरै लेई रोकना पेई गेआ। दऊं घैंटें दे चिर मगरा इंजन गी फही पटरी पर आंदा गेआ ते रेल नै अपनी जात्तरा फही शुरू कीती। अधिकारिएं मुजब इस हादसे च कोई बी जख्मीं नेई होआ ऐ। रेलवे प्रशासन पास्सेया घटना दी जांच कीती जा करदी ऐ।

<><><><><><>

## Engine-Derailed

संपर्क क्रांति एक्सप्रेस रेल गड्डी दा इंजन अज्ज जम्मू रेलवे स्टेशन पर पटरी शा हेठ उतरी गेआ। एह रेल गड्डी नमीं दिल्ली थमां जम्मू रेलवे स्टेशन पुज्जी ही जिसलै एहदा इक पहिया पटरी थमां उतरी गेआ ते रेल गी किश चिरै लेई रोकना पेई गेआ। दऊं घैंटें दे चिर मगरा इंजन गी फही पटरी पर आंदा गेआ ते रेल नै अपनी जातरा फही शुरू कीती। अधिकारिएं मुजब इस हादसे च कोई बी जख्मीं नेई होआ ऐ। रेलवे प्रशासन पाससेया घटना दी जांच कीती जा करदी ऐ।

<><><><><><>

## Reasi-Fire

जंगली इलाकें च अगग लगने आली घटनाएं च बाढ़े गी दिखदे होई रियासी जिला दा जंगलात मैहकमा ड्रोन तकनीक दी मदद लै'रदा ऐ तां जे इनें घटनाएं पर फौरी तौरा पर काबू पाया जाई सकै। साढ़े जिला संवाददाता कन्नै गल्ल करदे होई जिला जंगलात अफसर सुनील सिंह होरें आखेआ

<><><><><><>

## Heat-Wave

जम्मू च गर्मीं दा प्रकोप बरोबर जारी ऐ। कल शैहर च बहोबद् तापमान 44 अशारिया 8 डिग्री सैल्यिस दर्ज कीता गेआ जेड़ा सामान्य तापमान थवां 5 अशारिया 7 डिग्री बद् ऐ। खित्ते च पिच्छले इक हफ्ते सोयां गर्मीं पवा रदी ऐ। 16 मई थवां पारा 40 डिग्री थवां उप्पर गै बने दा ऐ। कटड़ा च तापमान 40 डिग्री रिकार्ड कीता गेआ। कठुआ च तापमान 46 अशारिया इक डिग्री ते साम्बा च 44 अशारिया 7 डिग्री, उधमपुर च तापमान 42 डिग्री ते रियासी च 41 अशारिया 7 डिग्री सैल्यिस दर्ज कीता गेआ ऐ। गर्मीं दे इस मौसम च जिला प्रशासन नै पानी टैंकरें गी कम्म पर लाया ऐ ते एह गड्डियां पानी दी फुहार सुट्टा

रदियां ना। पुलस दे टैंकर बी इस जत्त च मदद करा'रदे ना। केई सारे संगठनें पानी ते नींबू पानी दे स्टाल बी शैहर दे बक्ख-बक्ख इलाके च लाए ना।

<><><><><><>

### File Submission

जम्मू-कश्मीर सरकारै हुकम जारी कीता ऐ जे एल.जी हुंदे सलाहकार हुंदे कश पेदिएं फाइलें गी छोड़ियै सब्बनें मैहकमें दिआं फाइलां मुख् सचिव हुंदे राहें हुन लेफ्टिनेंट गवर्नर होरें गी जमा करोआइयां जानियां लोड़चदियां ना। उआं गृह विभाग दिआं गैर कनूनी गतिविधिएं दी रोकथाम सरबंधी कनून-यू.ए.पी.ए, जन सुरक्षा कनून- पीएसए ते नेय मामलें कन्नै जुडी दिआं फाइलां मजूदा प्रक्रिया दे तैहत गै जमा करोआइयां जा करडन।

<><><><><><>

### Secy. Health

सेहत ते मेडिकल शिक्षा मैहकमे दे सचिव डॉक्टर सैयद अबिद रशीद शाह होरें जम्मू-कश्मीर च आयुष्मान भारत डिजिटल मिशन दी अमलावरी दा जायजा लैता। सचिव होरें आयुष्मान भारत डिजिटल मिशन तैहत प्रोजेक्ट मैनेजमेंट यूनिट कायम करने पर जोर पाया। उनें सारे अफसरें ते होरनें अधिकारिएं गी आखेआ जे ओहू सख्त मेहनत करन ते A.B.D.M. दी अमलावरी गी जम्मू-कश्मीर च यकीनी करन। सचिव होरें सारे अफसरें गी जोर देइए आखेआ जे ओहू आपूं चै नेड़मा तालमेल बनाइयै कम्म करन तां जे सेहत सरबंधी दिक्खभाल आले सरिस्ते च डिजिटलाइजेशन दा कम्म होई सकै।

<><><><><><>

### Teachers Led School

इक महत्वपूर्ण पैहलकदमी तैहत पुंछ दे समर्पित अध्यापकें सरकारी मिडल स्कूल भैंच दी ईमारत गी नमें सिरेया संवारे दा कम्म आपूं अपने हत्थै च लैता ऐ ते इयां करियै उनें जम्मू-कश्मीर च अध्यापकें दी अगुवाई आली इस खास पैहलकदमी दे राहें मुख भरै च अपनी किस्मै दी पैहली-पैहली मिसाल कायम कीती ऐ। एह जत्त विधांजलि नां दी पैहलकदमी दा हिस्सा ऐ जिसे स्कूली शिक्षा विभाग आस्सेया रम्भेया गेदा ऐ तां जे शिक्षा इदारे च सुधार लेई समुदायें व्यक्तिगत ते अध्यापकें दे योगदान गी बढ़ावा दित्ता जाई सकै। मुख शिक्षा अधिकारी बिश्भर दास होरें इस पैहलकदमी दी सराहना करदे होई इस जत्त दे महत्वै पर लो पाई। अध्यापकें दी अगुवाई आली एह पैहलकदमी नां छड़ा शैक्षणिक सुधारे च व्यक्तिगत पैहलकदमी दी समर्थ पर लो पांदी ऐ सगुआं मुख भरै च होरनें अध्यापकें लेई इक बड़ी मिसाल बी ऐ।

<><><><><><>

## Girl Child

रियासी दे जिला विकास कमिश्नर विशेष महाजन होरें जिला अस्पताल रियासी च इक नमीं पैदा होई दी बच्ची ते ओदे माता-पिता गी सम्मानित कीता। आकाशवाणी दे रियासी संवाददाता मुजब समाज कल्याण विभाग दी बेटी बचाओ बेटी पढ़ाओ योजना तैहत रियासी जिले च हर इक नमीं बच्ची दे पैदा होने दे जश्न गी बेटी जन्मोत्सव दे तौर पर मनाने गित्तै ब'रे भर चलने आले कार्यक्रमें दी बी एहदे कन्नै गै शुरूआत होई गई ऐ।

<><><><><><>